

ԳԼՈՒԽ 4


Մոտարկման ալգորիթմների գործնական նշանակությունը

4.1 Թվային մոտարկման ալգորիթմի ծրագրային իրականացում Նյուտոնի

բաժանված տարբերությունների մեթոդով


Շատ հաճախ, երբ առաջանում է բաժանված տարբերությունների աղյուսակի կառուցման և Նյուտոնի ինտերպոլյացիոն բազմանդամի ստացման անհրաժեշտությունը, ուսանողները, ինչպես նաև գիտական աշխատողները, փորձում են համացանցի միջոցով գտնել այնպիսի հարթակներ կամ կայքեր, որտեղ հնարավոր կլինի մուտքագրել համապատասխան տվյալները և ստանալ անհրաժեշտ արդյունքները: Այլընտրանքային մոտեցում է նաև Python կամ MATLAB ծրագրավորման լեզուների կիրառումը, որի միջոցով հնարավոր է ստանալ բաժանված տարբերությունները և ինտերպոլյացիոն բազմանդամը: Այս տարբերակներն իրենց բնույթով ունեն և՛ դրական, և՛ բացասական կողմեր: Դրականն այն է, որ նման գործընթացի արդյունքում օգտվողը ստիպված է լինում ուսումնասիրել բազմաթիվ աղբյուրներ, խորացնել թեմայի ըմբռնումը և հմտանալ թվային մոտարկման մեթոդներում: Սակայն բացասական կողմն այն է, որ ամբողջ գործընթացը կարող է խլել բավականին երկար ժամանակ, ինչը հատկապես խնդիր է, երբ անհրաժեշտ է արագ ստանալ արդյունք կամ տվյալ պահին ինտերնետ հասանելիություն չկա:

Այս խնդրի լուծման նպատակով մագիստրոսական թեզի շրջանակում իրականացվել է գործնական ծրագիր՝ .exe ֆայլի տեսքով, որը թույլ է տալիս պարզ և հասանելի կերպով, առանց լրացուցիչ գրադարանների ներբեռնման կամ ինտերնետային հարթակների դիմելու, մուտքագրել տվյալները և անմիջապես ստանալ բաժանված տարբերությունների աղյուսակն ու Նյուտոնի ինտերպոլյացիոն բազմանդամը: Ծրագիրը նախատեսված է ինչպես ուսանողների, այնպես էլ գիտական աշխատողների համար և հատկապես օգտակար է ուսումնական, հետազոտական և ինժեներական նպատակներով կիրառման ժամանակ: Այժմ ստորև կներկայացնեմ .exe ֆայլի օգտագործման հնարավորությունները և առավելությունները: Ֆայլն ունի հետևյալ տեսքը (նկ. 4.1).




Նկար 4.1

Ինչպես տեսնում ենք վերևի ծախ անկյունում առկա է «Օգնություն» կոճակը (նկ. 4.2).




Նկար 4.2

սեղմելով կոճակի վրա, բացվում է նոր պատուհան, որտեղ պարզ և համառոտ ներկայացված է ծրագրի աշխատելու համար անհրաժեշտ քայլերի հաջորդականությունը (նկ. 4.3).




Նկար 4.3

Այժմ հետևելով քայլերի հաջորդականությանը, մուտքագրենք պատահական x -եր և $f(x)$ -եր, և տեսնենք ինչ հնարավորություններ ունի .exe ֆայլը: Դիտարկենք հետևյալ օրինակը (նկ. 4.4).




Նկար 4.4

Ինչպես տեսնում ենք մուտքագրելով ավելի շատ x -եր, քան $f(x)$ -երն են արդյունքում ստանում ենք հաղորդագրություն որ $f(x)$ -երի քանակը չի համապատասխանում հանգույցների քանակին: Նույն հաղորդագրությունը կստանանք նաև երբ $f(x)$ -երի քանակը գերազանցի հանգույցների քանակին: Սեղմելով OK կոճակին բոլոր մուտքագրված արժեքները կջնջվեն: Սակայն դա անհարմարություն է պատճառում օգտատիրոջը: Օգտատերը ստիպված պետք է նորից մուտքագրի արժեքները, և չի բացառվում որ կարող է նորից սխալ լրացնել մուտքագրման համար անհրաժեշտ դաշտերը: Այդ պատճառով կարող ենք ավելացնել հետևյալ ֆունկցիան (կոճակը) (նկ. 4.5).




Նկար 4.5

Սեղմելով «Վերջին 5 մուտքերը» կոճակի վրա կբացվի նոր պատուհան (նկ. 4.6).




նկար 4.6

Ինչպես տեսնում ենք բացված պատուհանում ցույց է տալիս 2 մուտքերը, եթե դրանք գերազանցեն 5-ին, ապա ցույց կտա վերջին 5 մուտքերը, իսկ եթե բացակայի մուտքերը, այսինքն ընդհանրապես թվեր մուտքագրված չլինեն, ապա օգտատերը կտեսնի հետևյալ պատուհանը (նկ. 4.7).




նկար 4.7

Այժմ դիտարկենք այն տարբերակը երբ օգտատերը պատահաբար թվային արժեք մուտքագրելու փոխարեն մուտքագրել է սիմվոլային արժեք: Նման պարագայում նույնպես անհրաժեշտ է զգուշացնող պատուհան սխալի վերաբերյալ (նկ. 4.8).




նկար 4.7

Այսինքն ստացվեց որ ցանկացած սիմվոլային արժեք մուտքագրելու դեպքում կստանանք տվյալ զգուշացնող հաղորդագրությունը: Իդեալ, այս դեպքում նույնպես մուտքագրված արժեքները պահպանվում են (նկ. 4.9).



Նկար 4.9

Այժմ դիտարկենք այն տարբերակը երբ օգտատերը պատահաբար մուտքագրել է այնպիսի x -եր, որնց մեջ կան կրկնություններ: Ինչպես գիտենք դա սխալ է, այսինքն հնարավոր չէ միևնույն x կետում ֆունկցիան ընդունի տարբեր $f(x)$ արժեքներ: Հետևաբար հարկավոր է ևս մեկ զգուշացնող պատուհան ստեղծել նման խնդրի համար (նկ. 4.10).



Նկար 4.10

Այսպիսով, ստացվեց որ ցանկացած սխալ մուտքագրման դեպքում, միևնույն է ծրագիրը չի աշխատելու, այսինքն չի կազմելու բաժանված տարբերությունների աղյուսակը, ինչպես նաև Նյութոնի ինտերպոլյացիոն բազմանդամը: Այժմ դիտարկենք այն դեպքը երբ բոլոր մուտքագրված տվյալները ճիշտ են, այսինքն բոլոր վերը թվարկված օրինակները բացառում ենք: Ենթադրենք ունենք հետևյալ տվյալները (Աղյուսակ 4.1).

x	-2	-1	0	1	2
$f(x)$	-8	-1	0	1	8

Նյութի ինտերպոլյացիոն բազմանդամ

Օգնություն


Մուտքագրիր x-երի արժեքները՝ բացատով

Մուտքագրիր f(x)-երի արժեքները՝ բացատով

☒ Նյութի բազմանդամ

նկար 4.11

Եթե մուտքագրենք ծրագրում, և սեղմենք «Նյութի բազմանդամ» կոճակի վրա, կստանանք (նկ. 4.12, և նկ. 4.13).



նկար 4.12

Բաժանված տարբերությունների աղյուսակ					
x	Δ^0	Δ^1	Δ^2	Δ^3	Δ^4
-2	-8	7.0000	-3.0000	1.0000	0.0000
-1	-1	1.0000	0.0000	1.0000	
0	0	1.0000	3.0000		
1	1	7.0000			
2	8				

Նկար 4.13

Այսպիսով ստացանք u' բաժանված տարբերությունների աղյուսակը, u' Նյուտոնի ինտերպոլյացիոն բազմանդամը, ինչը և պահանջվում էր գտնել: (Նկ. 4.12)-ի ներքևի ձախ մասում առկա են տարբեր ծրագրային գործիքներ, որոնց միջոցով հնարավոր է գրաֆիկը որպես նկար ներբեռնել, մեծացնել/փոքրացնել գրաֆիկի չափերը, վերադառնալ սկզբնական տեսքին և այլն:

Թվում է թե, այս օրինակը բավարար է պնդելու համար, որ ծրագիրը անթերի է աշխատում բոլոր ճիշտ մուտքագրված թվային արժեքների դեպքում: Այժմ հարց է առաջանում, ինչ արդյունք կստանանք, եթե մեզ տրված արժեքները լինեն եռանկյունաչափական կամ լոգարիթմական տեսքի: Դիտարկենք հետևյալ եռանկյունաչափական օրինակը (նկ. 4.14).

Նյուտոնի ինտերպոլյացիոն բազմանդամ

Օգնություն


Մուտքագրիր x-երի արժեքները՝ բացատով

Մուտքագրիր f(x)-երի արժեքները՝ բացատով

☒ Նյուտոնի բազմանդամ

Նկար 4.14

սեղմելով «Նյուտոնի բազմանդամ» կոճակի վրա, կստանանք հետևյալը (նկ. 4.15 և նկ. 4.16).



Նկար 4.15

Բաժանված տարբերությունների աղյուսակ				
x	Δ^0	Δ^1	Δ^2	Δ^3
0	0	0.9549	-0.2086	-0.1365
0.5236	0.5	0.7911	-0.3515	
0.7854	0.7071	0.6070		
1.0472	0.866			

Նկար 4.16

Ինչպես տեսնում ենք, այս դեպքում ևս առանց որևէ խնդիր ծրագիրը անթերի աշխատեց: Այժմ դիտարկենք լոգարիթմական օրինակներ.

- 1) Լոգարիթմ բնական հիմքով (e հիմքով) (նկ. 4.17)
- 2) Լոգարիթմ առանց բնական հիմքի (նկ. 4.18)

Նյուտոնի ինտերպոլյացիոն բազմանդամ

Օգնություն

Մուտքագրիր x-երի արժեքները՝ բացատով

Մուտքագրիր f(x)-երի արժեքները՝ բացատով

☒ Նյուտոնի բազմանդամ

նկար 4.17

Նյուտոնի ինտերպոլյացիոն բազմանդամ

Օգնություն


Մուտքագրիր x-երի արժեքները՝ բացատով

Մուտքագրիր f(x)-երի արժեքները՝ բացատով

☒ Նյուտոնի բազմանդամ

նկար 4.18

Առաջին օրինակի դեպքում ստանում ենք հետևյալ արդյունքները (նկ. 4.19, և նկ. 4.20)




նկար 4.19

Բաժանված տարբերությունների աղյուսակ				
x	Δ^0	Δ^1	Δ^2	Δ^3
1	0	0.6931	9.3496	-0.5965
2	0.6931	19.3924	7.5601	
3	20.0855	34.5126		
4	54.5982			

նկար 4.20

Երկրորդ օրինակի դեպքում ստանում ենք հետևյալ արդյունքները (նկ. 4.21, և նկ. 4.22)




նկար 4.21

Բաժանված տարբերությունների աղյուսակ				
x	Δ^0	Δ^1	Δ^2	Δ^3
2	1	0.5000	-0.0519	0.0051
4	2	0.2925	-0.0212	
6	2.585	0.2075		
8	3			


նկար 4.22

Այսպիսով, ստացվեց որ α' լոգարիթմական, α' եռանկյունաչափական տեսքով տրված արժեքների դեպքում ծրագիրը անթերի աշխատում է: Այժմ դիտարկենք վերջին օրինակը, որը իր մեջ ներառում է միաժամանակ բոլոր հնարավոր տարբերակներով տրված արժեքներ (նկ. 4.23).



նկար 4.23

Այս դեպքում կստանանք հետևյալ արդյունքները (նկ. 4.24 և նկ. 4.25).



նկար 4.24

Բաժանված տարբերությունների աղյուսակ				
x	Δ^0	Δ^1	Δ^2	Δ^3
0	1.71	-0.9040	-0.2360	-51.7360
0.7854	1	-1.2745	-73.4017	
1.57	0	-47.4307		
1.4142	7.3891			

նկար 4.25

Թվային մոտարկման խնդիրները շատ կարևոր դեր են խաղում ոչ միայն կիրառական մաթեմատիկայի, այլ նաև տեխնիկական գիտությունների ոլորտում: Այս աշխատանքում ներկայացված ծրագիրը, իրենից ներկայացնում է գործնական պարզ լուծում: Հաշվի առնելով, որ իրական խնդիրներում հաճախ անհրաժեշտ է աշխատել ոչ միայն թվային, այլև ֆունկցիոնալ արտահայտությունների (օրինակ՝ $\sin(\pi/4)$, $\log(8, 2)$, $\exp(1)$ և այլն) հետ, ստեղծվել է Python լեզվով աշխատող .exe ֆայլ, որը թույլ է տալիս մուտքագրել տարբեր տեսքի արտահայտություններ, ստանալ բաժանված տարբերությունների աղյուսակը, կառուցել Նյուտոնի ինտերպոլյացիոն բազմանդամը և պատկերել այն գրաֆիկորեն: Ծրագիրը պարունակում է նաև վերջին մուտքագրումների պահպանման և դիտման հնարավորություն, ինչը բարձրացնում է օգտատիրոջ հարմարավետությունը և թույլ է տալիս վերադարձ կատարել նախկին տվյալներին, առանց կրկնակի մուտքագրման անհրաժեշտության: Բացի այդ, ծրագիրը տրամադրում է սխալների հայտնաբերման պատուհաններ, զգուշացնելով օգտատիրոջը հնարավոր մուտքային անհամապատասխանությունների մասին: Այն հնարավորություն է տալիս նաև ընդլայնել գործառույթները, ներառելով նոր մոտարկման մեթոդներ, սխալի վերլուծություն, տվյալների ներմուծման/արտահանման ֆունկցիաներ, ինչպես նաև մշակել վեբ կամ մոբայլ տարբերակներ: